

ucani tupɥhlana hla hlicaliva tupɥhlana

karəkɥhlɥ cucu'una ami “ ucani tapɥhlana hla hlicaliva tapɥhlana. ”

maci tumua atuahlɥ, tumuakia pakipuhlu hlitakuamia. patasuru hliparava
hla hlipasamanganɥ hla apulavau iniciki pi sialailia, maci maru takuamacua
mualualua ia kutasəkura, maci maru langulangunɥ apulavau ia malamacu
hlicaliva, maci tarutuahlɥ kuparaiaiahla ia kukia arucarucakɥ, maci ma
ihlaua kuparaiaiahla siparaiaiahlaisa usumaanɥ, kuhlaisai tumuau
pasamanganɥ taku'i'iarɥ, umala makini siparaiaiahlau.

marua cacihli pakiatutura amihla ihlahlamu “ ta'iaraisaka kumuacahlia
pakipuhlu, kuhlaisai kuatumuhlua hlialamu. ” tumimahla kani'i karina
rumahlau, tamuucuaku malinu.

angahliakuku paumamainiaɥ rumia kana'a, hlipakipuhluaku tamuucu
maini, ami'aimanai ia cucu'u matumuhlua hlipakipuhlu, ausi, marapihlia
hlamama umupangunɥ ihlaku pakupuhlu, marapihlia pakiatutura tumuru ihlaku
pakupuhlu hlipakipuhluisa hlakana'ana kupakiaili hlipakipuhlu.

kumita cucu'u pakipuhlu ngahla rumahlau, ahli'ai mɥmɥa
kusiapuavahli, manikia malivutu mɥmɥa apakipuhlu ngahla, kumita cucu
usumanɥ pimavacangunɥ siarimia ia, ahliki'ai mɥmɥa

tuahlɥ atuahlɥ mavacangunɥ siarimia, ucaniika uka'a manganukia musuturu.

maci kuarualangulangunɥ atuahlɥ maramahlahlamucikia, aunanaia
maramatukusukia, maru parana ariiatukuranana pautukalahla
patukɥ sapahlɥ, pi ucani hliupucua lɥhlɥ'ɥ, uka'a cucu'u marumuku
malisumutɥ, pitikakuisa patukɥ usumanɥ. arupatiasirangunɥ, pitikakua
mavacangunɥ tukɥ laulaɥvɥ, iniciki aluaɥa lɥhlɥ'ɥma matakua talɥhlɥ'ɥa.

tiaratamata maramatukusɥ? matahlitakumia ucanita'iar, ngasa
atuatuahlunga? maci hlitakui'i'iaricu kani'i ta'iarana marahlupuhlupu'aini.
maci rianɥ pi tukɥ marahlupuhlupuia, ngahlaisamana cucu'u takua'i'iarɥ?

一分耕耘，一分收穫

「一分耕耘，一分收穫。」想要收穫，就必須付出。只有嘗試、努力、堅持，才有收穫。自出生那天起，我的付出很少，父母為了養育我而付出，老師為了教育我而付出，他們的付出不求回報。

看到別人受到表揚，也希望受到讚賞，看到別人取得優異成績，也希望得到優異的成績，想要「不勞而獲」的想法成了習慣，我們就會很自私。當我們做一件事時，會想什麼？會不會吃虧？若每人都覺得會吃虧，還會有什麼人做這件事？